

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

303. An collatio beneficii facta alicui tempore collationis non clero sit
ipso jure nulla.

[urn:nbn:de:hbz:466:1-74477](#)

quia dilig. & ibi. Abb. n. 7. Garc. de benef. p. 11. c. 10. num. 161. Sanch. Barb. & alii apud Pass. loc. cit. si vero est occultum, etiam Episcopus AA. idem.

PARAGRAPHVS II.

De Clericatu, SS. Ordinibus, & Professione.

Questio 302. An ad obtainendum viā elec-
tionis, vel alia quacunque beneficium quod-
cunque Ecclesiasticum requiratur Clerica-
tus seu prima tonsura?

Respondeo affirmativè. c. cum adeo, de rescrip.
ibi. Abb. n. 3. & Felin, num. 4. c. ex literis. de
transact. Garc. p. 7. c. 1. n. 10. Selva. de benef. p. 1. q. 7. num. 8. Paris. de resign. l. 4. q. 2. n. 4. Rebuff. in
praxi tit. de Clericis. n. 4. Corrad. in praxi benef. l.
1. c. 5. n. 100. Laicus enim est incapax possidendi
jura spiritualia. c. si quis deinceps. 16. q. 7. Non
sufficit itaque destinatum esse ad Clericatum iu-
dem AA. & Pass. cit. c. 25. n. 335. contra Gl. in c. 2.
de institut. sententem Laicum esse capacem bene-
ficii, si sit alicuius Ecclesiae converitus, qui ince-
dat tonsuram, & animi destinatione jam sit Cle-
ricus. Nec sufficit aliquem communione reputa-
tum pro Clerico. Garc. loc. cit. n. 12. citans Zech.
Paris. loc. cit. Pass. n. 337.

Questio 303. An igitur collatio beneficii
facta alicui, qui tempore collationis non
erat actu Clericus, sit ipso jure nulla?

Respondeo affirmativè: Sextus V. in Constit.
sua: cum sacrosanctam 97. apud Pass. num. 338.
Neque collatio tali facta per supervenientem Cle-
ricatum revalidatur. Corrad. loc. cit. nu. 101. citans
Mandol. & Garc. cum habilitas superveniens,
actu nullo ex defectu existente tempore actus, ni-
hil operetur. Paul. de Castro. in l. si cum dote, ff.
soluto matrim. quem. dos petatur. Proceditque adeò
responsio, ut si post receptam supplicationem &
expeditionem literarum in continente, etiam ante-
quam eas obtineat orator, fiat Clericus, collatio
ad huc sit nulla. Corrad. loc. cit. n. 109. Paris. loc. cit.
n. 17. Item ut, si Papa conferret beneficium laico
tanquam Clerico, nominando illum in literis pro-
visionis Clericum, talis provisio & nominatio jus
nullum conferat. Corrad. loc. cit. n. 105. citans Boér.
decis. 171. nu. 35. Item ut, si Papa conferat benefi-
cium alicui destinato ad Clericatum nondum Cle-
ricico, collatio nulla sit, si in rescripto non fieret
hujus tantum destinationis ad Clericatum
mentio his vel similibus verbis: mandamus provi-
deri, vel conferimus tali, cupienti adscribi militie Cle-
ricali. Sanch. l. 2. opusc. dub. 9. n. 3. Abb. in cit. c. ex
literis. Pass. n. 636. Observatque hic Corrad. loc.
cit. n. 121. contra Mandol. hodiecum non admittit
a Dataria Apostolica supplications laici, in quibus
is assertit se scholarem esse, qui Clericali cha-
ractere insigniri cupiat. & n. 126. ait: hanc tamen
esse praxim, ut si Papa provideri velit Oratori
nondum Clerico, non admittat supplicationem
sub nomine Oratoris laici, sed is nondum Cle-

rus, nominetur tamen Clericus in supplicationē,
qua postquam fuerit signata, retinetur in officio
parvæ dataria, usque eo, quod apponatur data, in-
terim vero orator fit Clericus, & sic postmodum
habet datam post Clericatum. Quod si eodem
die, quo apponitur data in supplicatione reperi-
retur orator Clericatus, nec discerni posset, an
data vel Clericatus præcessisset, tunc, quia ubi ad
essentiam actus aliquid debet esse prius altero, si
utrumque reperitur factum eodem die, præsumi-
tur in dubio præcessisse id, quod pro ipsius actus
validitate præcedere debebat. Paris. cit. q. 2. n. 35.
Qualiter autem orator, qui in supplicatione se
Clericum falso dixit, ad eumque beneficium etiam
a Papa obtinuit nulliter, ex usu dataria de novo
supplicationem formare debeat. Vide apud eundem
Corrad. loc. cit. num. 134. His tamen non ob-
stantibus, Capellania erecta in beneficium auctoritate
Ordinari conferri poterit infanti ante primam tonsuram; non ut eam possideat tunc titulo
beneficii, seu ut beneficium, sed titulo seculari, usq;
dum fiat Clericus, & ex tunc eam teneat ut beneficium, si fundator sic disposuerit, exprimendo eam
dari posse pueru ante primam tonsuram titulo seculari: nam ubi simpliciter tantum disposuerit dari
eam posse pueru ante primam tonsuram. intelligeretur de Capellania ut beneficio, adeò que non
valeret talis dispositio. Garc. 1. p. c. 2. n. 31.

Questio 304. Num igitur Papa etiam lai-
co mansuro laico conferre possit beneficium
Ecclesiasticum?

Respondeo affirmativè. Felin. in c. causam. de
prescrip. num. 6. Abb. in c. quod DEI timorem.
de statu Monach. Corrad. loc. cit. num. 135. Pa-
ris. loc. cit. num. 32. & Canonista communiter in
c. Joannes. de Clericis conjugat. Et sic de facto Rex
Galliarum est Canonicus in Ecclesia S. Hilarii Pictavij.
idemque privilegium habent familiae quædam prin-
cipales alia, de quo vide Corrad. num. 138. & seq.
Barb. de potest. Episc. alleg. 72. n. 75. quanquam dicat
Garc. loc. cit. num. 29. quod dum ex privilegio
principalí conceditur laico beneficium, illud effi-
cietur quid secularē in mera temporalitate percipiendi fructus consistens; sic quoque ex privilegio
Apostolico feminam incapax Clericatus, obti-
nere potest beneficium. Corrad. loc. cit. n. 141.

Questio 305. An etiam presentatio (qua-
tum censetur fieri, quando litera presentati-
onis traduntur Ordinario) alicuius tunc
actu non Clerici sit ipso jure nulla, et si in con-
tinenti post fiat Clericus?

Respondeo affirmativè. Lambert. p. 1. l. 2.
q. 7. a. 2. num. 15. Corrad. num. 110. Hojed.
de incompat. benef. p. 1. c. ult. n. 71. Pass. n. 339.
Non tamen requiritur Clericatus tempore nomi-
nationis, sive dum conficiuntur dictæ literæ. Lamb.
loc. cit. q. 4. a. 16. Pass. loc. cit. citans plures alios;
sed &c, dum præsentatur quis non absoluere, sed
præsentans dicit: præsento talem de proximo clerican-
dum: vel præsento talem, & peto illum ordinari primam
tonsuram sufficit, ut sit Clericus intra tempus con-
cessum patrono ad præsentandum, quia ex eo mo-
do præsentandi satis colligitur, quod saltem virtu-
aliter præsentetur in tempus, & pro tempore, in quo
præsentatus sit Clericus. Pass. loc. cit. n. 340. Garc.
p. 7. c. 1. num. 28. & 29. Quin ita, si intra tempus